

MOSHON

Entregá pa:

sr. Michael J. Pieters (Frakshon Demokrat), sra. Jeanoushka M. Raphaela (Frakshon PDA)
sr. Joselito J. Statia i sr. Cyrill D. Vrolijk (Frakshon MPB)

**Reunion di Konseho Insular di 14 yüli 2017
den Sala di reunion di Konseho na Passangrahan**

Griffie ER
Ingek.: JUL 17 2017
Volgnummer: 2017006844
Griffie: []

KONSIDERANDO KU:

- nos mucha- i hóbennan meresé di krese den un ambiente ku oportunitat, siguridat i salú. Kaminda ta nesario mester duna un aporte na mayornan pa por kumpli ku e responsabilidat i tarea aki;
- dor di praktiká deporte i movishon, nos mucha- i hóbennan ta biba un bida mas salú, ta siña mihó i alabes ta desaroyá nan kapasidatnan sosial;
- nos mucha- i hóbennan mester tin e oportunitat pa nan mes desaroyá nan kapasidat i identidat kultural debí ku biba bo kultura ta un derecho universal pa tur mucha i hóben;
- iniciativa nan sivil, di den bario òf boluntarionan ta organisá aktividat pa nos mucha- i hóbennan riba áreanan di deporte, kultura i bienestar general;
- nos mucha- i hóbennan ta partisipá na interkambionan (kompetitivo) regional i den eksterior den representashon di Bonaire;


TUMANDO NOTA KU:


- A. instansianan manera fundashon, asosashon òf otro entidatnan hurídiko sin meta di hasi ganashi, ta hasi petishonnan pa kontribushon finansiero insidental na Gobièrnu di Boneiru;
- B. e proseso di tuma desishon riba e petishon pa un kontribushon finansiero insidental ta tuma largu tempu tanten ku ta esensial pa tin un proseso di tuma desishon rápido i efektivo;
- C. ta hasi falta di un maneho i prosedura universal i transparente i tambe medio finansiero disponibel pa kontribushon finansiero insidental ku ta kai fuera di e liña di maneho stipulá den e Ordenansa di Supsidio 2000, tanten ta esensial pa tin un proseso di tuma desishon transparente i efikas riba petishonnan pa kontribushon finansiero insidental na benefisio di nos hóbennan ora ta trata deporte, kultura i nan bienestar general.
- D. esnan ku a hasi un petishon tin benefisio ku un proseso di tuma desishon rápido i efektivo di parti di Gobièrnu di Boneiru ya pa nan tin klaridat sea di un desishon positivo òf negativo pa ku nan petishon;

TA DISIDI:

1. pa pidi Kolegio Ehekutivo pa formulá un maneho pa kontribushon finansiero insidental fuera di e área di maneho di Ordenansa di Supsidio 2000, pa aktividatnan riba área di deporte, kultura i bienestar general i alabes pa reservá medionan finansiero pa debidamente por ehikutá e maneho aki;
2. pa pidi Kolegio Ehekutivo pa tuma un desishon dentro di seis (06) siman despues di a risibí un petishon pa un kontribushon finansiero insidental riba área di deporte, kultura i bienestar general riba e petishon hasi i informá esnan konserní di e desishon tuma;
3. E moshon aki lo wòrdu referí komo: **“Desishon di Konseho enkuanto kontribushon finansiero insidental na instansianan i aktividatnan deportivo i kultural”**;

I ta pasa pa órden di dia.



M.J. Pieters


J.K. Raphaela


J.J. Statia


C.D. Vrolijk

Onderhavige motie wordt met algemene stemmen aangenomen.

 ER-ur-g.d.d. 14 juli 2017
Voorzitter, 